



Broj: 10-49-20-26//2014.

Datum: 11.06.2014.

OSNOVNE ŠKOLE UNSKO-SANSKOG KANTONA
SREDNJE ŠKOLE UNSKO-SANSKOG KANTONA

PREDMET: Obavještenje povodom edukacije na temu inkluzije i senzibilizacije za rad sa učenicima/učenicama drugačije seksualne orijentacije i rodnog identiteta, dostavlja se

Ministarstvo obrazovanja, nauke, kulture i sporta Unsko-sanskog kantona je na zahtjev NVO „SARAJEVSKI OTVORENI CENTAR“ za odobrenje održavanja dvodnevnog treninga za stručno i nastavno osoblje srednjih škola USK-a, na temu inkluzije i senzibilizacije za rad sa učenicima/učenicama drugačije seksualne orijentacije i rodnog identiteta, izdalo traženu saglasnost br. 10-38-4913-2/14 od 30.05.2014. godine.

U tekstu saglasnosti je kratko obrazloženo da povremene situacije zbog kojih se uposlenici srednjih škola obraćaju za saradnju nadležnim institucijama, povodom incidenata nastalih uslijed netolerantnog stava vršnjaka i sredine prema učenicima drugačije seksualne orijentacije i rodnog identiteta, ukazuju na potrebu za ovakvom vrstom edukacije prosvjetnih radnika. Iz navedenog je jasno vidljivo da je cilj edukacije osposobljavanje uposlenika srednjih škola za profesionalan pristup djeci – onim učenicima čija bi ljudska prava ili elementarna bezbjednost mogla biti ugrožena, kao i onima koji bi se mogli odlučiti da prekrše tuđa prava ili ugroze bezbjednost drugog djeteta. Cilj edukacije nije pokušaj organizatora da utiče ili mijenja lične stavove prosvjetnih radnika u bilo kojoj oblasti. Identična edukacija je održana u Kantonu Sarajevo, prema informacijama koje imamo, uz veliki odaziv učesnika koji je premašio očekivanja organizatora.

Povodom neformalno iskazanih reakcija na najavljenju edukaciju od strane pojedinih prosvjetnih radnika preko društvenih mreža, kao oblika elektronskog javnog komuniciranja u kojem svaki pojedinac preuzima odgovornost za svoje riječi, skrećemo pažnju uposlenicima škola da izrečeni govor mržnje na teme koje se tiču osnovnih ljudskih i dječijih prava, predstavlja grubo kršenje zakonskih odredbi propisanih kroz Zakon o zabrani diskriminacije („Službeni glasnik BiH“ br. 59/09), te konkretno kroz odredbe obrazovne legislative, član 6., 7. i 8. Zakona o osnovnom i općem srednjem odgoju i obrazovanju („Službeni glasnik Unsko-sanskog kantona“ br. 5/04), član 5. Zakona o srednjem obrazovanju („Službeni glasnik Unsko-sanskog kantona“ br. 17/12), član 4. i 64. Zakona o visokom obrazovanju („Službeni glasnik Unsko-sanskog kantona“ br. 8/09). Podsticanje na nasilje ili propuštanje/neizvršavanje obaveze preveniranja nasilja motiviranog predrasudama, predstavlja nedopustiv čin za bilo kojeg člana odgojno-obrazovne ustanove i prosvjetnog kolektiva.

S poštovanjem

Obrađivač akta:

Adnan Kreso

Dostavljeno:

- Naslovu

- a/a



MINISTAR

Dario Jurić, prof.